



ASIAWATER pilih LRA Pulau Pinang sebagai tapak lawatan teknikal industri air tahun depan

Admin

April 18, 20



SEBERANG JAYA – Loji Rawatan Air (LRA) milik Perbadanan Bekalan Air Pulau Pinang (PBAPP) di negeri ini akan menjadi tapak lawatan teknikal industri untuk Ekspo dan Forum ASIAWATER 2020 pada tahun hadapan.

Ketua Pegawai Eksekutif PBAPP, Dato' Ir. Jaseni Maidinsa berkata, ini adalah kali pertama loji rawatan air Pulau Pinang dipilih sebagai tapak lawatan teknikal industri bagi ASIAWATER.

“Edisi Ke-11 ASIAWATER 2020 akan diadakan di Pusat Konvensyen Kuala Lumpur (KLCC) pada 31 Mac hingga 2 April 2020.

“Acara ini akan mengumpulkan pakar-pakar air, profesional industri dan pelabur utama dari seluruh dunia untuk berkongsi pengetahuan, rangkaian dan meninjau potensi projek-projek usahasama.

“Peserta yang berhasrat melawat LRA Sungai Dua akan datang ke Pulau Pinang pada tahun 2020 untuk lawatan teknikal yang dijadualkan oleh ASIAWATER.

“PBAPP akan menjadi tuan rumah untuk lawatan teknikal di loji rawatan air terbesar (negara) dan paling penting di Pulau Pinang,” jelasnya dalam sidang media di Hotel The Light Seberang Jaya pada 18 April 2019. Sebelum itu, beliau mengadakan lawatan teknikal ke LRA Sungai Dua dekat Jalan Merbau Kudung, Seberang Perai Utara.

Oleh: ZAINULFAQAR YAACOB

Gambar: NOOR SITI NABILAH NOORAZIS

<https://www.buletinmutiara.com/asiawater-pilih-lra-pulau-pinang-sebagai-tapak-lawatan-teknikal-industri-air-tahun-depan/>